



Sofia Geisler  
Inatsisartunut ilaasortaq, Inuit Ataqatigiit

### § 37 naapertorlugu apequt nr. 147/2021-mut akissuteqaat

Inatsisartut suleriaasianni § 37 imm. 1 naapertorlugu Naalakkersuisunut akissuteqarsimavutit. Naalakkersuisut apequtit qujassutigaat, taakku ataani uteqqinneqassapput akissuteqarfigineqarlutillu.

12-11-2021  
Sags nr. 2021 - 19254  
Akt nr. 18339721

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

1. ***Kangerlussuarmi inoqutigiit 2021-imi 246-upput Narsarsuarmi 69-usut. Inoqarfinni taakkunani najugaqartut kigutit nakorsaannukarniarunik nakorsiarniarunilluunniit illoqarfimmuq qaninnermut ingerlasariaqarput, angalanerlu nammineq akiligassarivaat, soorlumi illoqarfiit allat avataanni najugaqartut taamatut iliortariaqartut.***

- a. ***Kigutit nakorsaat, sumiiffiit pineqartut aqqusaarlugit pinngitsoornani angalasussa, ulluni arlalialunni tamaaniilluni inuit tassani najugaqartut kigutaasa misissornissaannut suliaqarnissaannut periarfissanik sunik Naalakkersuisut tikkuaasinnaappat?***

#### **Akissut:**

Kigutit nakorsaat Kangerlussuarmut Narsarsuarmullu aqqusaaraangamik, amerlanertigut sivikitsuinnarmik aqqusaartarput. Nunaqarfimmuq tikeraarneq pilersaarusiortariaqarpoq, ilaatigut kigusiarussanik aggersaanikkut innersuussinikkullu, atortussat attuumassuteqartut piareersimassapput kiisalu kigutip nakorsaanut ikiuisussaqaassaaq (klinikassistentit). Taamaattumik aqqusaarnermut atatillugu kigutip nakorsaat suliaqartarnissaa periarfissaanngilaq.

Ullumikkut Nunatsinni Kigutigissaanerup nunaqarfiit tamaasa ukiumut minnerpaamik ataasiarluni tikeraartarpei. Tamatuma saniatigut innuttaasut tamarmik najukkani kigutileriffimmuq ulluinnarni 08.00 aamma 16.00 akornanni siunnersorneqarnissaq ilitsersuunneqarnissarlu pillugit attaveqarnissamut periarfissaqarput. Innuttaasut nunaqarfimminngaanneersut illoqarfimmuq tikinnerminni kigutiminik aqqitassaqaarunik kigutileriffimmuq saaffiginnissinnaapput. Taamaattoqartillugu innuttaasoq piffissamik tunisinneqassaaq.

Illassutigineqarsinnaavoq kigutinuq tunngasut peqqinnissamut ataatsimiititaliarsuup sulinerminni ilanngummassuk tamannalu 2022-mi Naalakkersuisunut saqqummiunneqarnissaa naatsorsuutigineqarpoq.

Ilanngunneqarsinnaavoq nunaqarfinni innuttaasut allamik pisassaqaarlutik illoqarfimmiikkunik, immikkoortumi kigutileriffimmuq kigutit pillugit ajornartorsiutit pillugit

saaffiginnissamat periarfissaqarmata. Pisuni taamaattuni isumagineqartarpoq innuttaasup piffissamik tunineqarnissaa.

***b. Nakorsaq, sumiiffiit pineqartut aqqusaarlugit pinngitsoornani angalasusaaq, ulluni arlalialunni tamaaniilluni inuit tassani najugaqartut misissorneqarnissamik pisariaqartitsisut misissornissaannut suliaqarnissaanut periarfissanik sunik Naalackersuisut tikkuaasinnaappat?***

**Akissut:**

Peqqinnissaqarfik Qeqqata nakorsat aqqusaartut nakorsianik takunnittarnerat, naleqquttutut nalilerneqaraangat pissutsillu akornutissaqartinngikkaangassuk periarfissaq atortarpaat. Tamatuma saniatigut qaammat ataaseq allorlugu missaani marlungornermit sisamangornermut nakorsamik Kangerlussuarmiittoqartarpoq.

Kangerlussuarmittaaq periarfissaavoq oqarasuaatikkut Peqqinnissaqarfimmut ulloq unnuarlu attaveqarsinnaaneq. Sisimiuni Qitiusumik Napparsimavimmi nakorsamik oqarasuaatikkut attaveqarnissaq Peqqissaanikkut nalilerneqarpat saaffiginnissut nakorsamit tiguneqarnissa periarfissaavoq. Ulluinnarni tamani Nakorsartitsivinnut takkulluni peqqissaasumit imaluunniit peqqissaanermut sullissisumit takuneqarnissamat periarfissaqarpoq. Tamatumunnga atatillugu oqarasuaatikkut imaluunniit internettikkut Sisimiuni Qitiusumik Napparsimasimmi nakorsamat attaveqartoqarsinnaavoq.

Peqqinnissaqarfik Kujataanittaaq nakorsat aqqusaartut nakorsianik takusaqarsinnaanerat atorveqartarpoq, tamanna naleqquttutut nalilerneqarpat pissutsillu akornutissaqartinngippassuk. Tamatuma saniatigut qaammatit pingasut missakkaarlugit nakorsaq Narsarsuarmiittarpoq.

Narsarsuarmi Peqqinnissaqarfik ulloq unnuarlu oqarasuaatikkut attavigineqarsinnaavoq. Peqqissaanikkut nalilerneqarpat, saaffiginnissut nakorsamit tiguneqassasoq, periarfissaavoq Narsami Peqqissaavimmi imaluunniit Qaqortumi Qitiusumik Napparsimavimmi nakorsamik oqarasuaatikkut attaveqarnissaq. Ulluinnarni tamani peqqissaanermut sullissisumit takuneqarnissamat periarfissaqarpoq. Tamatumunnga atatillugu oqarasuaatikkut imaluunniit internettikkut Narsami Peqqissaavimmi imaluunniit Qaqortumi Qitiusumik Napparsimavimmi nakorsamat attaveqartoqarsinnaavoq.

Ilisimatitsissutigineqarsinnaavoq, Peqqinnissaqarfiup sapinngisamik nakorsat sullissinerat ima aqqissuunniartarmassuk, Qitiusumik Napparsimavinni imaluunniit Peqqissaavinni nakorsat atorveqartut Kangerlussuarmut aamma Narsarsuarmut attaveqartassasut. Tamatumunnga pissutaavoq, nakorsat taakku amerlanertigut najukkami pissutsit pillugit misilittagaqarnerusarmata ilisimasaqarnerullutillu. Taamaasilluni napparsimasunik katsorsaanermik sapinngisamik pitsaanerpaamik pitsaassuseqartumik tamanna qulakkeerinneqataavoq. Tamatuma saniatigut malittareqqiinnissamat periarfissaq tapersersorneqarpoq.

Nunap immikkoortortaaani sumiluunniit najugaqaraluaaraanni innuttaasooq Peqqinnissaqarfimmut ulloq unnuarlu 24 tiimit attaveqarsinnaajuaannarpoq. Peqqissaanermi nakorsallu naliliinerat apeqqutaapput iliuusissat suut qaqugu qanorlu aallartisarneqassanersut.

Inussiarnersumik inuulluaqqusillunga  
Med venlig hilsen



Kirsten Fencker